

প্রেসিডেন্ট বুশ বঙ্গোপসাগরের ভূমিকম্পে ক্ষতিগ্রস্ত মানুষদের প্রতি সমবেদনা জানিয়েছেন: যুক্তরাষ্ট্র সাহায্য পাঠাতে প্রস্তুত

ওয়াশিংটন, ২৮শে ডিসেম্বর -- বঙ্গোপসাগরের ভূমিকম্প এবং সুনামির কারণে ক্ষতিগ্রস্ত দক্ষিণ এবং দক্ষিণ পূর্ব এশিয়ার দেশগুলোকে যুক্তরাষ্ট্র সাহায্য প্রদান করবে।

গত ২৬শে ডিসেম্বর টেক্সাস অঙ্গরাজ্যের ক্রফোর্ড থেকে প্রদত্ত হোয়াইট হাউসের এক বিবৃতিতে বলা হয় শ্রীলঙ্কা ও মালদ্বীপে ইতিমধ্যেই সাহায্য পাঠানোর ব্যবস্থা গ্রহণ করা হয়েছে। অঞ্চলের ক্ষতিগ্রস্ত অন্যান্য দেশগুলো হচ্ছে বাংলাদেশ, থাইল্যান্ড, ভারত এবং ইন্দোনেশিয়া।

প্রেসিডেন্ট বুশের বিবৃতিতে বলা হয়, যুক্তরাষ্ট্র ক্ষতিগ্রস্ত দেশগুলোর সরকার, জাতিসংঘ, বেসরকারী সংগঠন (এনজিও) এবং অন্যান্য সংশ্লিষ্ট দেশ এবং সংস্থার সাথে এই ভয়াবহ ট্র্যাজেডি মোকাবিলার উদ্দেশ্যে একযোগে কাজ করবে।

যুক্তরাষ্ট্রের পক্ষ থেকে প্রেসিডেন্ট বুশ ভূমিকম্পে জীবন হানি এবং মানুষের দুর্দশার জন্য শোক ও সমবেদনা প্রকাশ করেন।

=====